

宣大山西三鎮圖說

恭

進宣大山西三鎮

臣惟我

國家奠鼎燕京肘掖晉朔所恃為內蔽
者獨宣大山西三鎮耳宣大古雲中
上谷地山以西古并州境也北隣大
漠西瞰套虜自古稱戎馬之場我
成祖三犁虜庭宿重兵於三鎮以聲勢喝
虜大漠之南王庭掃而不幕休烈振

古無前猗歟盛矣厥後邊釁稍開間
有冲突然小創之輒小挫大創之輒
大挫罔敢越朔雲而進逼

陵京者畏三鎮之特其後也至嘉靖庚戌
虜擁衆入犯

輦轂震驚不旬日而武臣仇鸞以大同
兵入援又五旬而山西宣府勤

王師至虜繇是解散去以往事徵之利
害休戚三鎮視九邊加重較然矣我

皇上威德及遠醜虜革心款市以來名王
解辮髮叩關稽顙自比屬國而後先
柄事之臣所為綢繆桑土之計亦既
豫且周矣

皇上不以臣時寧未閑軍旅俾臣封疆之
寄假臣節制之權即殫心罄力何能
仰裨萬分一獨念虜性叵測款市靡
常頃虜王率衆赴市陰肆要挾封豕
雖未敢逞履霜已有其漸夫智者備

禍於未形今禍有其形矣脫異時渝盟而緩急機宜全資

廟筭則形勢之要害兵糧之實虛戰守之利便胡可不豫

聞也臣是用滋懼檄三鎮文武將吏各繪圖條說臣謹集其成而裁覈之繪繕進

覽臣敢僭一言序諸首簡臣聞易戒苞桑詩歌保定威嚴者順治之符也外寧

者內憂之伏也是以古先哲王安不
忘危外不忘內今將整禦彎弓厲兵
秣馬養餘銳以伺釁萌而逞志於一
擊乎則有諸將吏在將固爾險隘戒
爾車徒肅爾紀律嚴爾烽燧先為不
可勝以待敵乎則有司馬法在將仍
踵誕章謹節縮耀威武捐歲幣以市
虜俾虜空羣而入我牧圉乎則有

令甲在此臣等事也臣等責也臣又聞

之君職要臣職詳大小殊而任事一也后克艱厥后臣克艱厥臣尊卑殊而敬事一也我

皇上加意邊防動厯

宵旰武功遷次自偏裨而上朝

奏而夕可頃歲支不給不難破例移罔金百五十萬以佐邊餉

聖念至殷矣則是圖也儻

萬幾之暇試一觀省則指形勝而悉要害

之處挾兵糧而知虛實之分審利便而達戰守之機

睿謨玄覽屆暨遐荒其籌邊至計當自出尋常萬萬臣等亦幸得與諸將吏遵奉戒事而奠封疆共天壤無極矣昔伯益告禹曰無怠無荒四夷來王召公告成王曰明王慎德四夷咸賓固忠藎之極致而明聖之芳軌也臣行能謏薄不足關

三刻圖說前月
廟堂大議敢併以二臣之言

進惟我

皇上採納焉臣時寧無任隕越之至

欽差總督宣大山西等處地方軍務兼理

糧餉太子少保兵部尚書兼都察院

右副都御史臣楊時寧稽首頓首謹

序

三鎮總圖





宣大山西三鎮總圖說

我

國家定鼎幽燕迫近胡虜設險據勝以固封疆凡
爲邊有九其最重而稱要害者莫如宣與大宣
大故古雲中上谷地上谷拱護

京陵勢若輔車稍折而西北則雲中又折而西南
則山西之鴈平寧武偏頭等關馬外環向三邊
俱諸虜駐牧之地遠者六七十里近者不滿十
餘里山西自爲一行省宣大特以地重文職各
設大中丞一總一直指暨兵備府州縣等官武
職各設大將軍一暨副叅遊守等官各有差三

鎮分土而治不相統轄緩急調遣應援事多掣肘至成化間復設總督大臣以統制之聲勢聯絡網舉目張法制始犁然大備蓋上谷者

京陵之肩臂也雲中者三關之藩籬也三關者全晉之屏翰也故上谷安則

京陵無震驚之虞雲中安則三關無剝膚之患三關安則全晉享衽席之樂自昔籌邊事者孰不據忠殫慮期三鎮宴然上抒

九重宵旰之憂哉然動有得失虜警頻仍如操漏舟如室潰隄而鯁鯁然支吾不前者何哉蓋虜情有順逆時勢有難易經權之運用不同也三鎮

俱逼鄰北虜九塞中惟北虜最稱勁悍屈伸離
合代變靡常至勝國僭竊釀禍已極洪惟我
太祖肇啓丕基一統寰宇我

成祖繼承弘緒三犁虜庭帝王開創之烈振古無前
其於北虜固禽獮而獸畜之後虜勢漸張正統
己巳之變嘉靖庚戌之警幾危

宗社迨隆慶處劉汾石之間地方荼毒最慘幸天心
厭禍孽孫來降俺酋以舐犢之故稽顙稱臣遣
使獻琛三十餘年貢市如故恭順彌堅

朝廷之體統常尊邊塞之軍民樂業即唐虞之世
詩書所稱來格咸賓之盛不加於此矣數年來

諸臣乘暇修守屯地開闢牛馬滋蓄頗繁雉堞
嶙峋金湯遠邇相望譚者孰不艷而羨之然臣
則大有隱憂焉蓋虜情叵測雖恭順終無不變
之盟兵家常道即治世豈有忘戰之理聞苜婦
三娘子初與俺荅感


朝廷浩蕩之恩故輸誠納款後三經易封終始不
肯寒盟者本婦調護之力居多也今本婦年近
桑榆若溘先朝露恐虜情未必帖然無譁且虜
王近聽左右撥弄糾衆赴市要挾雖犬羊貪我
利餌遽未敢決裂款事而叛亂之機已兆矣未
雨徹桑正惟其時尚可仍蹈故轍因循怠玩泄


泄然如燕雀之處堂者哉隙端既開虜愆何厭
倘卒然有變將何以應辟之養癰然久之元氣
耗散一旦潰裂其禍可勝言哉爲今之計惟慎
選實心任事之臣老成謀

國長顧遠慮以款爲決不可恃而又當知有不可
遽罷之款以戰爲決不可忘而又當知有不可
輕試之戰練兵積餉除器繕垣凡可爲戰守之
具者無不曲爲之備事求其實虜來尋盟許市
通貢仍示羈縻之意虜或背約閉關謝絕大興
問罪之師則可以款亦可以戰可以撫亦可以
剿嚮背在虜而我常提其衡操縱在我而虜難

三
遊
其
筭
庶
幾
我
制
禦
之
長
策
而
邊
疆
永
奠
磐
石
矣
不
然
溺
小
康
而
忽
遠
畧
是
坐
困
之
道
也
願
身
邊
事
者
甚
勿
坐
困
而
昧
大
計
焉

宣府鎮總圖





宣府鎮總圖說

宣鎮本秦漢上谷郡即唐宋山後州

國初與遼爲唇齒設開平衛置涼亭等八驛接連
獨石後自大寧興和淪棄異域開平孤懸莫可
犄角乃移衛獨石而宣遼聲援遂絕本鎮形勢
紮荆控其南長城枕其北居庸左峙雲中右屏
內拱

陵京外制胡虜蓋屹然西北一重鎮焉東自昌鎮界
火焰山起西至大同鎮平遠堡界止延袤一千
三百餘里闔鎮見在官軍八萬一千三百八十
三員名馬騾駝三萬三千二十五匹頭隻

國初惟遣將卒番守永樂七年始設鎮守總兵正
統三年始置巡撫都御史天順元年置戶部督
餉郎中宣德元年始命監察御史巡按歷數
朝各兵備副叅遊守等官始備總七路險隘如西
路之萬全右衛張家口西陽河北路之獨石青
泉馬營中路之葛峪青邊東路之四海冶等處
悉極衝要害之地惟獨石乃全鎮咽喉擎拳累
卵孤危更甚其餘衝緩相半然皆隨在所當嚴
加戒備者倘西路之扃稍疎則洪蔚急北路之
鍵弗固則延永急從金家莊以寇龍門則沙城
麻峪急從大白陽以寇趙川則鷄鳴新城急由

得高枕卧也款後虜塵不聳宣鎮始得息肩先
後柄事諸臣乘暇修守綢繆悉備乃今沿邊高
墉崇臺列雉聯堡設將分兵星布雲屯北門之
勢視昔雄壯嚴密不啻倍之顧撫久則驕在虜
之谿壑難厭款久則弛在我之戒備易疎未雨
徹桑之計所當汲汲焉圖之者今邉外青永等
部雖曰恭順梟性難馴戎心易啓此門庭之寇
圖之不可不預屬夷史車二酋久居內地潛通
外夷養虎遺患病根難拔此肘腋之害防之不
可不密宣兵雖素號敢戰今壯者老者故新

集行伍者恐一朝不能受甲卒遇虜警是驅市人而與之戰也聞之弘治中宣鎮積粟莖至六七年少亦不下三四年以今視昔盈蝕大相徑庭左支右吾僅足周歲之用而猶思不贍倘虜渝盟柰之何以枵腹而荷干戈耶故爲久遠計者勿恃款以偷安常思患而儆省陰折犬羊之驕氣時嚴華夷之大防精訓練俾士卒可戰廣儲蓄務本折有餘庶有備無患而

京陵之北輦磐石矣說者又謂開平之轉運難繼則當徙三衛以易大寧大寧之巢穴不除則當通宣遼以爲絕塞差乎此兩者誠美譚顧世鮮

良平衛霍恐亦終爲築舍道傍之議耳

本鎮

錢糧歲額

主兵

京運銀一十七萬九千五百四十六兩

民運銀七十八萬四千五百九十五兩

屯糧本色糧一十三萬六千八百五十九石

折色銀二萬三千三百七十八兩

河東運司年例鹽價銀二萬八千七百七十

八兩

歲派鹽一十四萬五千一百一十三引折銀

六萬六百七十九兩

客兵

京運銀一十六萬九千六百兩

歲派鹽七萬引外加運商蘆鹽共折銀二萬
八千兩

兵馬原額

官軍一十五萬一千四百五十二員名今實在
八萬一千三百八十三員名

馬騾五萬五千二百七十四匹頭今實在三萬
三千二十五匹頭

以上在兵馬雖稍縮於原額而必詳查
見在實數分析開造者恐虛糜糧芻

錢糧故也至錢糧歲額雖有定數收
納難於取盈且各營堡月支互異故
不便於造報大都邇來京運愆期民
運拖欠每年主客通融多方那借僅
足周歲之用而猶時有不足之虞倘
卒然有警征伐四出客兵將何支應
乘此閑暇之時當廣為積貯之計設
法開墾勒限催徵一切冗食冗費悉
裁革而撙節之務本折有餘庶乎緩
急可濟蓋今日綢繆之急務云


北至葛峪堡十四里

宣府守道
轄不屬路

東至鷄鳴驛堡六十里

西至萬全左衛城六十里

南至深井堡十六里



本城土築於洪武二十七年甌包於正統五年隆慶二年加修周二十四里高三丈五尺故元宣德府

聖祖開基之初因改名宣府始設宣府左右前三衛續移興和一所先徑隸後府宣德五年始建萬全都司併各路衛所統攝之撫鎮部道暨副遊管糧理刑同知各衛所儒學等官同城總計各營衛見在官軍二萬三百四十八員名馬騾駝一萬三千三百一十八匹頭隻本城據鎮上游稱都會之地重兵屯聚頗足彈壓惟是款後守貢講事之夷絡繹不絕谿慾無厭徃徃詭計希加添於額賞之外


且蟻聚蠅附時有潛住鎮城者殊爲將來隱憂近
已裁其名數節其徃來額賞外毫不增加各酋久
已帖服矣乃防範樽節之道所當慎終如始云

北至龍門衛城九里

鷄鳴山

東至保安新城二十里

西至宣府城六十里



南至保安舊城二十五里

本堡乃鎮城入京要路站設於永樂十八年成化十七年始因舊民堡增築之隆慶四年甃包馬高三丈五尺周四里有奇鎮城至此適六十里正址達龍門西北通趙川虜由兩路入犯馳驚東南本堡咸當其衝至今堡人譚嘉靖四十二年之變猶有戒心本堡雖倚山帶河其險足恃乃生聚漸繁附廓流沙積石即行道之人亦苦之近山可耕者僅五十餘頃以故家鮮蓋藏倉乏儲蓄初設防守官一員與站官共守近裁革站官專責防守庶省科索之擾顧所領見在官軍四百四十五員名騾止一百七十五頭守禦之計尚煩顧慮云

宣府守道轄
上西路總圖

東至羊房堡三十里

北至邊牆



南至舊懷

里十三

平山臺榭

膳房堡

新河堡

軍遠臺榭

永安堡

萬善衛城
恭將駐劄

萬善衛城


西至洮馬林堡邊八十里

里十八安

本路叅將設於成化十年蓋上谷之右肩也距鎮城八十里至邊三十里邊垣沿長一百二十四里有奇邊墩一百五十二座火路墩一百八十六座山谿澗谷皆奸夷竊入之途與虜僅隔一壁最爲要害昔所稱千家奴胡沙虎鬪之故區也所轄萬全右衛張家口膳房新開口新河口俱極衝萬全左衛寧遠站稍次之凡守備六操守一闔路見在官軍七千六百五十八員名馬騾三千五百九十四匹頭內援兵官軍一千五百五十二員名馬騾一千三百五十七匹頭未款之前歲遭虜患攻擊墩堡蹂躪禾稼虔劉之苦極其慘烈款後迄今三

十餘載耕農狎野烽火絕煙闔路城守頗備乃全鎮互市統於該路防禦應酬獨艱於他路焉

北至膳房堡十二里



王官庄

王官庄

東海子



東莊

新莊

西至新河口堡四十里

北樓廟

龍泉

泰山廟

東至張家口堡二十里

縣河臺橋



南至萬全左衛四十里



城本德勝口故地洪武二十六年土築永樂二年復移以衛輓包之年久輓多損壞萬曆二十七年復議輓包城周六里三十步高三丈五尺坐設平川東北面河西南平坦東北抵宣府此點虜昔年必犯之衝故雖設守備仍置叅將管糧餉則專設同知一員除援兵外守備領官軍一千四百四員名馬二百四十五匹分邊沿長三十一里零邊墩二十五座火路墩五十七座內鎮河平夷等臺俱極衝邊外莊窠溝等一帶大成倘不浪等部落駐牧未款前鋒鏑之患無歲無之款後軍民雖稍息肩密邇張家市口虜情叵測戒備更當加慎焉

北至市口五里

王學庄

光祿

王學庄

東至千房堡二十里

把都兒駐牧

西連山

蒼石兒

古把都兒駐牧

多處不決駝

無馬

張家堡

張家堡

西至萬全右衛二十里

南至寧遠站堡十二里

宣行真圖兒

七



本堡築於宣德四年嘉靖間展修之萬曆二年始包以甃周四里高三丈五尺初設操守後改設守備所領見在官軍一千二百九十五員名馬騾四百五十匹頭分邊沿長三十一里有奇甃石包砌過半高二丈邊墩五十八座火路墩三十一座內威虜臺等極衝邊外獅子屯一帶酋首青把都合羅氣等部落駐牧本堡乃全鎮互市之所堡離邊稍遠恐互市不便乃甃垣於其口每遇開市朝往夕還樓臺高聳關防嚴密巍然一巨觀焉堡人習與虜市遠商輻輳其間每市萬虜蟻集紛紜雜錯匪奸伏慝竊爲將來隱憂故開市必道將往蒞焉

北至本堡邊十里

大洪溝

西荒墩

北門山
威鎮記
鎮部寨

北八里

西八里

東八里

興和城

南八里

黃台古都落

東至萬全右衛邊十里

西至新開口堡邊十里

野狐廟橋

膳房堡

長墩

南至萬全右衛城十二里

本堡土築於成化十五年嘉靖十二年展修之萬曆元年始甃以甌周二里二百餘步高三丈五尺初設防守後改守備所領見在官軍六百二十四員名馬騾三百五十一匹頭邊長一十八里俱石砌高二丈邊墩一十六座火路墩二十座內野狐嶺平山臺極衝邊外大紅溝一帶酋首黃台吉威兀慎比妓等部落駐牧本堡地極衝險往時北征之路沿邊關口在焉弘治九年虜從此入犯鎮城及南路東西城大被蹂躪未款前困守本堡幾陷幸援兵至始解今雖和款防守何可少弛然北望邊外興和所遺址猶存恢復之議不能不爲之一慨

北主本堡邊十里

東是墩

東至膳房堡十里

長壕

鹽池

青紀弟兄部落

榆林庄

毛明瑞部落

小海子

西是墩

西至新河口堡三十里

德勝營堡

寧遠營堡

海神廟

新開口堡

南至萬全右衛三十里

本堡創建於宣德十年重修於嘉靖七年隆慶四年始議甃包周二里零二十三步高三丈四尺初設操守後改守備所領見在官軍六百六員名馬騾三百八匹頭分邊一十八里零內石砌一十四里零斬崖三里零高二丈邊墩二十二座火路墩二十一座內寧遠德勝鎮胡等臺俱極衝邊外榆林莊一帶俱青把都毛明暗台吉駐牧未款前虜數大舉入犯左右衛動遭荼毒其他竊掠無虛日以此稱為東馬營蓋謂危而難守亦猶北路之有馬營也戒備可不慎哉

北至本堡邊五里

中心山

針山

甜水海子

東土府

石鼓寺

石佛寺

幽明晴台吉鄂落

榆林庄

東至新開口堡二十里

西至洗馬林堡四十里

北安堡橋

水溝堡橋

新河堡

弘德寺

弘德寺


南至萬全右衛四川十四里

本堡設在上西西北隅與下西接壤始築於宣德十年嘉靖六年幫脩隆慶五年輒包周二里二百二十步高三丈五尺設有守備所領見在官軍六百五十二員名馬騾二百五十四頭分邊沿長二十六里土築三百二十步石砌二十五里零高二丈邊墩三十一座火路墩一十九座內水溝平安等臺俱極衝邊外牛心山甜水海子等處酋首明暗台吉部落駐牧本堡坐落平川西北兩面皆邊最稱孤懸先年虜犯右衛迤北俱由此入今乘暇脩築挑濬各建輒臺土墩如治世臺等處山勢陡峻壕塹深闊頗足保障云


北至萬全右衛十四里

東至宣府城六十里

西至柴溝堡四十里



南至懷安城十六里



本城及衛皆與右衛同建輒包於正統元年周九里一十三步節因軍民逃竄城大難守嘉靖四十二年裁而小之方六里三十步加高共三丈五尺源設守備一員因稍在腹裏故無分邊止管火路墩臺三十七座所領見在官軍一千一百九十五員名馬四百九十九匹本城為京都雲晉往來通衢東蔽鎮城西北應援懷安右衛亦要地也邇來軍士疲於犇命逃亡過半且城垣漸就頽圯防禦奚賴辟如不調之瑟必解而更張之守此土者宜亟圖之矣

北至張家口堡十二里

東至葛峪堡五十里

西至萬全右衛城四十里



南至宣府城四十里

本堡建自永樂年初設防守站官原屬鎮城嘉靖四十一年被虜攻毀萬曆六年因當張家口之衝遞送市夷轉輸市貨皆關涉右衛始改屬右衛叅將更設操守官一員併議輓包馬周三里二十六步高三丈五尺操守所領見在官軍三百三十員名馬騾一百三十四匹頭平時接遞尚艱遇變豈能防禦倘虜寒盟逾張家口而南未有不以此為魚肉者也近萬曆二十七年於劉平寺灣新置土墩一座周圍建甕城以翼之往來行旅庶可恃無恐焉

宣府守道轄
下西路總圖

東至萬全左衛四十里

北至本堡




南至懷安


邊十二里

橫勝

元鎮



西至大同平遠堡四十里



城十四里

本鎮原止設西路右衛叅將嘉靖初以沿邊多事
右衛去各堡隔遠應援不便因題

請再設叅將一員駐劄紫溝堡故右衛叅將分上西
路本路稱下西路云東至萬全左衛西至大同平
遠南至懷安李信屯各四十里北至本邊二十里
所轄四守備二操守懷安保安右二衛分邊東自
上西路新河口界起西至大同平遠界止沿長一
百一十五里有奇邊墩一百八十四座火路墩二
百五十五座總屬見在官軍八千三百四十三員
名馬騾四千三百六十一匹頭內援兵官軍二千
六百員名馬騾一千八百三十八匹頭各城堡洗

馬林西陽河渡口堡俱極衝牝溝次衝李信屯又
次之懷安則近腹裏矣本路當西址之要害爲東
南之重障邊外多酋婦部落隨在皆有撫賞制馭
夷黨節縮錢糧俱當極力圖之其懷安李信屯二
城堡雖在邊腹之間實接壤宣大俱雲朔咽喉時
當嚴備以戒不虞不可與上西路異視也

北至洗馬林堡十四里

東至萬全左衛城四十里

南至懷安城十四里

西至渡口堡二十五里



本堡土築於正統二年景泰成化嘉靖年相繼重修萬曆二年始甃包之高三丈五尺周七里一十三步本路叅將駐劄原設守備一員分邊三十四里有奇邊墩五十座火路墩四十七座官軍除援兵外見在一千一百五員名馬騾四百三十四匹頭本堡沿邊皆衝平頂臺黑水關等處俱通大虜邊外草垛山一帶虜酋毛明暗部落駐牧未款前黃酋由此不時竊入搶掠洗馬林地方款後雖砌臺濬壕修守時不敢懈乃堡地沃壤居民殷庶恐為虜所垂涎更須嚴加戒備焉

北至本堡邊十四里



東至新河口堡四十里

西至本堡邊二十里

南至柴溝堡十四里

洗馬林堡

舊堡

古城

古城

大龍堆

二龍堆

三龍堆

明昭廟

部落

桂石山

雙產泉

本堡創建於宣德十年隆慶五年始甃以甃周四里零六丈高三丈五尺原設守備一員分管邊四十三里有奇邊墩七十座內鎮河臺極衝火路墩五十四座所領見在官軍一千二百一十三員名馬騾四百四十五匹頭本堡俗稱西馬營蓋謂邊多平坦危而難守亦與東馬營無異也未款前嘉靖三十八年黃酋從此入犯由柴溝懷安侵至洪蔚等處搶掠經月其他出沒不時可知邊外有大謊堆桂栢山等處通大虜明暗等酋部落駐牧雖係互市之夷實為門庭之寇旁有舊堡今雖甃包頗可收保防禦之計更當嚴慎焉

北至本堡邊十二里

白水潭

松溝寨

中口子夷人住牧

清涼寨

東至柴溝堡二十五里

西至西陽河堡十五里

渡口堡

南至李信屯堡十四里



本堡弘治九年土築萬曆五年甃包周二里五十
七步高三丈五尺原設操守一員分管邊牆一十
四里邊外守口夷人駐牧邊墩二十六座火路墩
三十六座所領見在官軍六百三十七員名馬騾
二百五十八匹頭本堡雖號衝本易守沿邊如牛
心大尖等山獨多險峻墩臺聯絡林木稠密從來
虜無由此入犯者其物力豐盛比新河新開堡猶
過之此可足保障云

北至邊牆十二里

東至渡口堡一十五里

西至大同邊界五里

南至李信屯十四里




宣化府志卷之三
本堡正統五年創建成化十年展築之萬曆三年始輒包周四里八十步高三丈五尺設守備一員分管邊牆二十五里邊墩三十八座火路墩四十七座所領見在官軍一千三員名馬騾四百七十三匹頭本堡乃本鎮之極西西北與大同平遠堡接壤兩面皆邊與虜抗衡最稱衝要如永平臺鎮靖臺等處酋婦五蘭波兒素等部落駐牧先年未款之前虜酋兀慎黃台吉部落嘗由此竊入搶掠款後節將衝口墩臺乘時包修內北山根挑濬長壕添墩設險頗足固守焉

北至西陽河四十里

東至懷安城三十里

西至隔鎮永嘉堡十里

南至枳兒嶺五十里



本堡創於嘉靖十六年萬曆八年輒石兼砌高三丈五尺周二里二百六十步設在大同永嘉堡東南相離十里設操守官一員止管火路墩一十九座所領見在官軍三百八十二員名馬二百八十七匹本堡地勢兩山對峙為宣大交界要害之區先年號衝堡自有新平路則離邊稍遠矣然西當瓦窯口之險當時議者擬之中路趙川堡為要即近腹裏亦豈可易視哉

北至柴溝堡十四里

駱駝山

塔林寺

塔林寺

東至萬全左衛六十里

西至枳兒嶺三十里

懷安城

枳兒嶺

懷安

雲山

懷安

懷安

懷安

南至東城十九里



本城建於洪武二十五年隆慶三年始包以甃周九里零一十三步高三丈七尺設守備一員止管火路墩五十二座所領見在官軍一千四百三員名馬六百二十六匹本城當兩鎮衝衢四通八達之地供應浩繁復設東門驛以資遞送管糧通判原駐劄柴溝今移駐於此本城雖係腹裏先年大虜入犯從洗馬林并上西路新開等堡邊口闖入由興寧口南下直抵順聖川踰東西二城薄蔚廣直趨倒紫二關守土者亦不可以腹裏而忽之也

宣府守道分
轄南路總圖


東至美峪所關一百八十里

北至天城

南至紫荊關



城十六里



西至大同許家莊堡七十里

二百四十里

本路在鎮城西南屹然上谷一藩籬也西界順聖
川澗北抵盤羊山南通紫荆關廣一百四十里方
三百九十里成化二十年設南路叅將分守之所
轄東西兩城深井霽霰黑石桃花等堡而蔚州廣
昌衛所又與大同分治者也總屬見在官軍四千
八百一十六員名馬騾一千五百八十五匹頭內
援兵官軍一千一百九十二員名馬一千三十二
匹本路阻山帶河其險足恃雖稱腹裏之地畜產
繁庶素為虜所垂涎彼中通虜衝者在西城之一
吐泉東城之牛房溝與水峪口深井之南口寨石
壑子羅家窰六處虜凡入犯必以此為捷徑焉此

六處乃六城之要害俱當謹守設備若設備完固
即虜入不得志則再入之謀寢矣本路實障紫荊
倒馬二關從來虜無敢有越境跳梁者畿內不足
慮也


北至天城十六里

東至東城六十里

西至大同許家莊七十里

南至蔚州城九里

一吐泉溝




本城自天順四年上築嘉靖二十四年重修萬曆二年甃包周五里一百三十五步高三丈五尺坐平川阻山帶河名曰順聖川即古洪州也本城駐劄叅將原設守備一員除援兵外所領見在官軍七百七十四員名馬一百五十九匹管火路墩三十七座本城為南路極西與大同鎮之天城陽和接壤虜踰西鎮犯該路此其要害也况一吐泉等處無險可恃故叅將所以駐劄此中者原為預應援而便拒堵也若應援不前拒堵稍後縱虜而南直抵蔚州之川矣捍西北衛東南所關匪細守禦戒備何可以腹裏緩圖之哉

北至懷安城十七里

東至深井堡八十里

西至西城六十里

南至蔚州城十九里



本城故勝國牧場順聖縣舊址可尋其規格與西城等創建於天順四年嘉靖四十三年重修萬曆四年始甃包之周四里一十三步高三丈五尺河水經其南崇岡鎮其北川壤遼闊厥土紅潤故勝國為牧場今以馬房名堡者十餘因號為順聖馬房川云設守備一員所領見在官軍五百五十九員名馬一百五十六匹管火路墩三十八座本城近為西城犄角遠為紫荆藩籬東之水峪西北之牛房皆通虜要路嘉靖中北虜入犯十家營之慘可為寒心守禦之策仍當多方講求焉

北至城西十九里

東至桃花堡九十里

西至廣靈城五十里

南至黑石嶺十八里

蔚州城



本城周天象二年創建洪武七年輒包萬曆十一年地震崩裂重修焉周七里一十二步高四丈一尺洪流遶其址層嶂鎖其南屹然宣雲一巨區也城垣高厚完固故虜號為鐵城原設知州守備各一員守備所領見在官軍一千一百七十六員名馬一百三十一匹分管火路墩隘口六十座處民屬大同府軍屬宣府鎮地氣豐煖歲常收穫多為他路所仰給且居民繁庶商賈輻輳虜若深入而南未有不厭足於此者萬全之策亦所當預圖云

北至深井堡十九里

東至保安舊城九十里

西至蔚州城九十里



南至馬水口六里

本堡原係土築民堡嘉靖四十四年始設防守統領之隆慶六年設倉置遞萬曆十二年甄修女牆周五百九十五丈高三丈七尺本堡適蔚州保安往來中路相距一百八十里非是堡則行道之人窮日無駐足之處本堡地極沃衍民多錯雜無險可恃應援難及正東與保定之馬水口昌鎮之白羊口相對議者謂屯兵於此足封兩關之南牧並扼本鎮之東馳顧此彈丸地見在官軍止一百五員名馬騾四十七匹頭偏隘力難屯聚欲屯兵不於易州之馬水當在昌鎮之白羊委積厚而藏蓋易兵馬終將賴焉籌邊者當熟計之

北至宣府城六十里

東至保安舊城九十里

西至懷安城六十里

石壑子

保井深

水泉

樓皮橫

五里溝

南至霹靂店一十一里



本堡土築始於正德五年萬曆七年甃包周三里六十四步高三丈五尺本堡坐高山之窩四山環遶中獨灣下積潦經年不涸諺云鎮城西南六十里積水汪洋不見底故名深井云初設操守嘉靖三十八年改設守備所管火路墩五十二座見在官軍四百七十九員名馬騾一百三十六匹頭本堡在鎮城之南多山險似可守顧虜由西路而東南則本堡適當其衝嘉靖丙辰殷家梁之變可鑒也

北至深井堡一十一里

東至保安舊城八十里



西至懷安城六十里

南至東城七十里

本堡舊係民堡嘉靖四十五年因虜攻毀重修之
周二百八十丈高三丈五尺隆慶元年始設防守
內無倉廩之儲外無墩臺之責所戍之軍皆調自
深井往往戀土懷歸防守靡所事事安用此贅員
為哉堡距深井十里而近遇警易於傳報若徑屬
深井守備似亦省便

北至蔚州城十八里

東至麻田庄二十里

黑石嶺堡

西至蕎麥川十五里

南至廣昌城十七里

本堡古飛狐峪也兩崖峭立一線微通而迤邐宛
延殆百里自蔚而南實蔽兩關所謂塞飛狐之險
自古記之堡創建於正德二年石包於萬曆元年
內地之重關邊塞之咽喉也周圍一百二十丈高
二丈七尺初設巡檢司嘉靖十年始議城設防守
一員顧規制狹隘見在戍守官軍僅一百二十五
員名且嶺東有團堡西有鎗頭嶺皆盜賊聚結之
所關南商賈輸貨於兩鎮者此路設備不可
不嚴焉昔謂戒備於兩關不於飛狐信然
第旁無村落四面孤山倉場言不事而困守之
難也

北至黑石嶺十七里

東至浮圖峪三十里

西至靈丘城九十里

廣昌

南至倒馬關九十里

宣府鎮圖說

四




本城在宣鎮西南故甌包鼎建於洪武十二年周
三里一百八十步高三丈五尺設知縣守備典史
各一員教官驛丞各二員民屬大同軍屬宣鎮本
城逼近紫荆倒馬重岡疊嶽巍然百雉固兩關之
要樞也守備所管見在官軍四百六員名馬二十
九匹火路墩二十三座城隍隍邊稍遠險隘頗可固
守第雖產有礦洞礦脉微細以近邊恐啓邊釁
故不敢擅開今一槩開鑿軍亦其擾識者有
隱憂焉

宣府巡道轄
上北路總圖

東至牧馬堡三十里

北至獨石城

舊城



南至鵑鵬

邊一十五里

西至龍門城六十里

君子堡

馬營堡

倉上堡

鎮寧堡

堡四十四里



本路參將駐劄獨石逼隣虜穴一面受敵於九邊
中最稱衝要蓋九邊幅輦

出塞外更難守云所轄開

一所為守

備四為防守八內各城堡

泉松樹君

子鎮安赤城鎮寧等俱極衝

堡店貓兒峪

倉上堡稍次之舊分邊東起胡堡西止中路龍

門關沿長七百餘里近改東面牧馬屬下北路西

面金家莊屬中路邊得稍減於昔焉今管大邊五

百一十四里零二邊一百八十六里邊腹墩臺六

百三十座闔路見在官軍一萬一千二百三十二

員名馬騾二千七百三十四匹頭內援兵堪戰者

不過一千九百員名馬亦止一千四百一十九匹
乃馬營迤西咸屬平曠獨石孤城應援難及雖層
巒疊嶂若可足恃虜一渝盟長驅突入直坦途耳
乘此和款之時惟修衝邊以固要害撫屬夷以保
腹心是所當急務者顧邊長數百勢難卒辦必陸
續實心修築期於堅固永不可也

北至邊牆十里

東至青泉堡四十里

西至馬營堡三十里

南至伴壁店堡十二里



本城上谷北路絕塞之地宣德五年移舊開平衛
於此依邊為界外直抗青酋大部得虜東西謀犯
情形常易即薊鎮偵探猶藉之九塞孤懸稱最焉
城周六里二十步高四丈正統己巳陷於也先景
泰三年恢復之後節次重修至萬曆十年始易以
甌內本路叅將駐劄原設
平衛及守備官分
管大邊沿長一百六十三
百三里邊腹
墩二百一十五座除援兵
二千九百
七十二員名馬騾五百三
分柳河等
七處俱衝邊外舊開平明
目白洪大
等部落駐牧款後虜往來鎮
邊柵口即

守口夷人日盤據大邊之內

千

耳往歲虜隨處入犯不勝

寧日昔人所謂計尺寸係

厚防所當昕夕顧慮焉

者惟二邊

陰間迄無

此地善撫

青紀都等州卷

北至獨石城十四里

東至鎮安堡三十里

西至伴壁店堡二十里

雙水海子

北橋口橋

南至貓兒峪堡十二里




本堡遶外山下有青泉湧出遶本堡之東故名青泉景泰四年始築土堡加修於隆慶五年甃砌於萬曆十五年周二里六十四步四尺高三丈五尺本堡地雖孤懸四塞頗險正北柵口相去不滿三里直衝遶外大松林雙水海子為青屯都部首白洪大等駐牧近便易於守官領見在官墩一十三座以步軍寡少僅堪守此警言必集客兵協防之先年寫遠報至路將守備遽難精銳廣儲蓄以備緊急自衛之時添

北至獨石城十二里

東至青泉堡二十

西至馬營堡二十里



南至貓兒峪堡十二里

本堡坐落平川東西兩面皆山壁立道旁故名伴
壁店舊本民堡嘉靖三十七年虜由獨石深井鎮
門等墩入圍猫兒峪喻月不解道路為梗始議築
堡設防自是遂為官堡矣頌低薄不堪隆慶元年
加修萬曆十一年始砌以石周一里十四步高
三丈五尺設防守官一員元在軍一百五
十三名馬止二匹火路墩石守備兼
攝本堡雖無邊責然道出衝乃獨石
內防咽喉緩急收保實攸小而忽
之也

北至伴壁店堡十二里

東至鎮安堡二十里

西至馬營堡二十里

南至雲州堡十二里

本堡在伴壁之南雲州之北適當路中往來開平者必繇於斯創築加修與伴壁店同周一里二百二十七步四尺高三丈五尺設官一員所領

見在官軍一百六十八

火路墩三

座仍屬獨石守備兼轄

貢扼青泉

堡之衝若虜自東柵口入

今堡者正

統間止有蹊路而無垣

以困獨石

南陷雲州不勝荼毒之慘

通應援

外障路衝虜亦無復如昔

關係之

重甚於伴壁緩急不可置

北至邊牆一十五里

廣德
等部



東至獨石城一

西至松樹堡十九里

南至雲州堡十三里

堡創築於宣德七年，包於正德八年後六年。

遭覆隍之變，景泰間再復。隆慶初，百修之城周。

六里五十三步，高三丈八尺。本枕冠帽山。

而西門更峽險隘，非不。平川虜。

登山俯瞰城中，無遁。川領見在。

官。千五百二十五。四匹頭管。

大。百七十餘里二。邊腹墩臺。


一百二十一座，內威遠。道溝等。

處。元慎等部落駐牧。因添民。

堡分兵千餘，孤弱漸著。以復原。

額且堡垣年久崩壞，當。云。

北至君堡五十里



南至雲州堡四十五里



在馬營

翰也創築於嘉靖二

周一里三百六步高

管二邊二十八里有

座所見在官軍四

大立平地四面

距營盤道梁柳

溝磨天嶺等處俱通大

駐把都等部落頗費

未聞深入本堡捍蔽之

寡弱有警終難防禦戒

馬營之屏

年始甄包之

官一員分

人路墩九

五十二匹

川大道上

孤山雙

段柰上

參騎亦

兵力

原缺

宣府巡道轄
下北路總圖

東至靖胡堡三十五里

北至鎮安



南至土木

堡十三里

西至三岔口堡二十五里



本路原同上北一路緣地勢寬遠不便應援萬曆十八年因添設叅將一員割地分邊以屬之是為下北路北起牧馬南盡滴水東際大邊西訖樣田西南至長安嶺幅幘僅七十里為守備三為操守一為防守四本將駐劄龍門所分管大邊沿長一百六十里有奇二邊九十一里零大邊墩一百四十六座二邊火路墩二百七十座闔路見在官軍五千九百六十六員名馬騾一千四百七十五匹頭內援兵一千六百五十二員名馬八百五十二匹分轄龍門所滴水崖寧遠長伸地牧馬俱極衝鵬鶚樣田長安嶺稍次之迤東百五十里外即安

朝二酋巢穴而白草瓦房尤為羣虜往來之衝嵯
崖突兀林木深阻偵探最難且長安鵬鶚統轄之
地近亦為二酋駐牧竊為將來隱憂練兵儲餉所
當昕夕戒備云

里五十堡馬牧至北

東至長伸地堡四十里

西至赤城堡三十里

里十二堡田樣至南

『千家庄』

白塔兒

朝陽寺

滾水塘

鎮城極衝

龍門所城

王廟


本城即路將駐劄處自大寧徙而以龍門衛後所官軍置此是為龍門守禦所初止所官後添設守備城宣德六年輒建隆慶四年重新之周四里有奇高三丈五尺除援兵外所領見在官軍一千六十五員名馬騾一百四十五匹頭分管大邊八十五里二邊五十三里大邊墩八十座二邊火路墩七十八座以通所之步軍按壘分瞭每墩不過四五名內如平鎮等處俱極衝邊外白塔兒滾水塘一帶朝兇等部落駐牧邊多平漫牆復低薄防禦最難邇雖屬夷內附潛通外夷竊為將來隱憂所當昕夕戒嚴以備不虞不當以他城例視云

北至鎮安堡十三里

東至邊牆一十里

西至雲州堡五十里

南至龍門所五十里



本堡故牧場土築於弘治十年向未設專官惟間一遣官董牧事嘉靖二十五年始議委防守官萬曆十五年甄包馬周一里六分零高三丈五尺本堡在龍門所址距永寧口僅二十里防守所領見在旗軍一百六十九名馬六十四匹分邊六里有奇邊墩七座大路墩七座內永寧口極衝邊外七峯嵯朝兔等部落駐牧若虜由永寧口下青楊入犯本堡則龍門雲州皆所不免故於永寧口裏修建敵樓二座以備捍禦而西南一帶坦曼由徑路以下赤城則甚捷馬每值警報必先徵兵預待之而山路險僻糧芻之運最艱則邊儲不可不厚積也


北至龍門十二里

東至長伸地堡三十里

西至鵬鶚堡五十里



南至滴水崖堡十四里



本堡古鷄田也故民堡嘉靖三十七年始改為官堡萬曆十六年甃砌環二里六十六步高三丈五尺設防守官一員所領見在旗軍二百三十九名馬騾八十三匹頭止管火路墩七座自東關長伸以來距大邊漸遠然賊由龍門蔣家莊滴水唐家嶺深入則本堡依然經犯之地也且自龍門添置兵將之後往來應酬頗繁又吏車駐牧長安鵬鶚凡經龍門赤城無不假道本堡前此安免懷隙每窺本堡平坦哆口聲犯之今雖悔禍效順而內守外防亦何可疎懈也

北至赤城堡四十里

東至滴水崖堡五十里

西至三岔口堡二十五里

南至長安嶺十五里



本堡當北路之中有警傳報轉輸皆由於此故設浩嶺驛於其間即北路五驛之一也宣德六年與獨石等城共創成化八年甄甦隆慶四年再議加修城周二里一百八十步高三丈設防守官一員原調自滴水故士馬隨守備屯滴水者過半所遺官軍見在止四百三十員名馬止七十三匹惟管火路墩三十四座乃屬夷海塔利等駐牧清水潭起龍溝等處實在本堡界內撫馭防範之責視他堡奚啻重焉該堡地稱膏壤昔年屯堡多被攻毀若擇其故基堪修者督令屯餘歸併住居使與屬夷各有樊籬之界可也

北至龍門所十四里

龍門寺

北松棚

南松棚

龍門寺

龍門寺


安寧堡

長補地堡

西至樣田堡三十里

東至大邊山六十餘步

南至寧遠堡十五里



本堡邊外十三家乃屬夷駐牧之區嘉靖年間東夷啓釁殘毀殆盡自北虜通款史車旋亦內徙故萬曆七年遂得修復十年添設官兵守之堡周一里二百七十六步高三丈五尺皆甃建也操守官一員分管大邊三十二里邊墩一十九座火路墩一十一座所領見在官軍七百三十八員名馬七十四匹邊墩如鎮安臺極衝邊外亂泉寺一帶安兎等部落駐牧本堡東北近大邊而以彈丸之堡當之孤危大有可虞近議於堡北巡檢寺要害處東西添建敵臺甕城與舊臺相犄角又添募兵馬雖獨坐窮山足稱扼險云


北至長仲地堡五十里

東至馬市口十五里

西至滴水崖堡十五里

南至靖胡堡三十五里

寧遠堡



本堡舊為朵顏易馬市口景泰後華夷阻絕嘉靖中史車二酋不時入犯我兵多失利二十八年即此戰場築堡焉四十五年始包以甃周二里七十八步高三丈五尺設防守官一員所領見在旗軍三百五十名馬七匹分管大邊二里二邊六里有奇大邊墩四座二邊并火路墩三十一座邊外一克哈氣兒朝兎等部落駐牧東十五里外即大邊盤道口虜可大騎直入者若本堡被警則長伸滴靖俱騷動矣此哨探防禦所當日夜兢兢者也

北至龍門所界二十五里

大石橋

五虎溝

東至靖胡堡界十五里

西至鵬鶚堡五十里

滴水崖堡

滴水崖

滴水崖

南至永寧界五十里



本堡址據懸崖崖水瀑布而下因名曰滴水創設於弘治八年隆慶三年始甃砌之周三里一百八十步高三丈五尺東不二十里為大邊即薊鎮古北口之後也設守備一員分大邊三十六里二邊三十二里大邊墩三十六座二邊火路墩六十六座所領見在官軍七百六十三員名馬九十四匹本堡山多蹊徑拒守為難盤道口等墩悉通大虜邊外大石牆慶陽口等處安朝二酋部落駐牧議者仍欲添設兵馬第恐增餉之難無已增築常勝南邊牆峻削苦菜址崖嵯窰布丁壯晝夜設伏亦防守之策云

北至龍門城十六里

東至鵬鵠堡五十里

西至保安新城六十里

南至土木堡十三里




本城古桑乾嶺也永樂九年建城周五里一十三步高二丈八尺本城東西跨嶺屹處其阿中通線道旁徑多險設有守備有守禦所有豐峪驛誠居庸關一重關也守備所管止火路墩三十六座見在官軍五百六十員名馬八十七匹垣陴高低不一率碎輒亂石所砌既非堅城而以此數百操站之軍守之倘有警實難防禦且堡之嶺南尚有三堪守者嶺址盡屬殘破臨近要堡若東山廟等不可不及時繕築之近日東西斗子營施家衝等地悉住史車部落華夷錯居至嶺南一帶屬夷有四十餘年足跡所未到者尤當嚴禁慎防云

宣府巡道分
轄中路總圖

東至鎮寧堡四十里

北至葛峪

靖遠城



南至宣府

堡邊一十五里



西至張家口堡二十里

城十四里

本路在鎮城之北依山為邊蓋鎮城北面之藩籬也自東勝興和廢棄地二百餘里故今分地與虜止隔一牆而牆非高堅可登陴拒堵者未款前散夷時且喻之邀行旅矣大舉入犯固倏忽甚易也本路叅將駐劄葛峪堡所轄十一城堡為守備二操守六防守三內葛峪大小白陽羊房青邊趙川常峪龍門城金家莊俱極衝龍門關三岔口稍次之俱密邇邊境近已悉議輓包漸稱完固分邊東起赤城西盡張家口交界沿長一百三十一里有奇邊墩一百四十七座火路墩二百一十二座閘路見在官軍五千三百五員名馬騾二千三百一

十三匹頭內隸叅將援兵者惟一千三百九十四員名馬一千四百匹耳平時修守不敷安望臨事截戰且軍士月餉既廩團種更少緣境內土田盡屬鎮城衛所而所分惟一邊即為之將領者空握養廉之籍又安從而授之軍哉至沿邊撫賞羣夷環遶墻下由龍門而趨鎮城虜使絡繹不絕趙川尤甚此戒備所當嚴慎者也

北至邊牆一十五里

東勝城


興和所



靖邊城

東至大白陽堡二十里

西至常峪口堡七里



南至宣府城四十里

本堡創自宣德五年嘉靖四十三年增修萬曆六年甃包周四里二百五十二步高三丈五尺其地四山壁立路徑崎嶇峪中曾產葛故名葛峪原設守備一員復置叅將駐劄於此以其適一路之中便調度也分邊一十三里有奇邊墩二十座火路墩一十六座除援兵外守備所領見在官軍五百四十七員名馬二百一十五匹墩臺如預築鎮虜等處最衝邊外東北有興和靖邊等城西北有東勝衛所等城皆中國故地見今青把都等酋駐牧山嵯間隔瞭望甚難所當戒備非直一二衝口已也練兵設防是在將領得人耳

北至邊牆五里

東至葛峪堡七里

西至青邊口堡十三里

南至宣府城十四里




本堡臨邊有柳河發源大白陽之北三十里西流
入口鎮城樵採灌溉胥資焉建置歲時與葛峪同
而衝險過之歷經修築至萬曆十五年始甃包馬
周三里一十三步四尺高三丈五尺設操守官一
員分邊一十三里三分邊墩一十六座火路墩七
座所領見在官軍二百二十五員名馬八十四匹
本堡若黃草灘駱駝鞍等處俱極衝而壩口為甚
故於口內五里設堡以扼其衝壩口外若靖邊城
瞭馬臺免鵲崖皆故城廓丘墟青把都等部落駐
牧今雖和款夷性叵測甚勿恃有壩口以援兵營
近而防禦少弛也

北至邊墻七里

東至常峪口堡十三里


西至羊房堡十五里

南至宣府城十四里



本堡東隣常峪建置歲月亦與常峪同而衝要更甚相沿土築萬層九年始砌以甃石周二里三百一十步高三丈五尺設操守官一員分邊一十九里三分邊墩一十七座火路墩一十七座墩空堪騎乘者十座而極衝者滴水崖北嘴溝曲丁寧遠四座也所領見在官軍二百四十員名馬六十九匹本堡沿邊山形中斷故曰青邊口口外若段木嘴三道川徊徊墓馬頭山諸處皆三娘子部落駐牧臨口依平地爲牆迤北溝嵯相錯偏仄崎嶇廣酋亦以部落守之蓋內外戒嚴之地爲一路最衝防禦稱不易云

里十牆邊至北



里十四城府宣至南


本堡接壤張家口西為中路盡界創於成化元年
展修於弘治二年嘉靖四十三年增築萬曆十七
年始甃以石周二里一百一十三步高三丈五尺
設操守官一員分邊一十三里二分邊墩一十四
座火路墩一十座所領見在官軍二百三十五員
名馬六十三匹本堡雖距邊止十里重岡障蔽似
多可憑沿邊多通虜孔道如何家堰鎮夷鎮口視
青邊同要害馬牆外若紅崖兒竅頭嘴擦胡石等
處皆大虜黃台吉等部落駐牧每互市羣酋經月
蟻聚牆下善撫設防所當昕夕戒慎云

北至邊牆十二里

東至小白陽堡三十里

西至葛峪堡二十里

南至趙川堡十二里




本堡建置歲月與青邊口堡同景泰嘉靖間相繼增修萬曆十三年始輒包之周二里二百五十一步高三丈五尺設操守官一員分邊一十八里八分邊墩二十一座火路墩一十三座所領見在官軍三百七十六員名馬三十四匹本堡地勢平坦虜自外入易我從內守難諸口若鎮虜墩古道梁毛家溝等處皆極衝通大舉邊外胡嵯兒等處皆諸酋駐牧巢穴重山翠嶺隱隱遮隔非藉長哨則墩瞭失望往年屢遭黠虜蹂躪段酋亦因之竊掠焉衝地難守本堡為最精訓練廣儲蓄所當特加戒備云

北至邊牆十二里

東至龍門關二十里

西至大白陽堡二十里

南至趙川堡十一里



本堡東與龍門衛接界烽火戌卒相望有唇齒之義焉堡建於宣德五年嘉靖四十三年加修猶然土築也萬曆二十四年始甃包之周二里三百步高三丈五尺設操守官一員分邊八里有奇邊墩一十三座皆衝口也火路墩一十一座所領見在官軍二百三十四員名馬九十七匹邊墩馬圈兒石塘子極衝邊外近地若東西古道韭菜衝等處皆青把都等部落駐巢萬曆庚辰曾由此入犯搶掠一次近議於龍門關娘娘山因舊有捷徑盤道稍修平之以通東西互援之兵自是稱便邊外有泉引入可資灌漑故此堡較諸堡稍稱沃壤焉

里八十二牆邊至北

東至龍門關三十里

西至葛峪堡三十里

里十六城府宣至南

趙川堡




本堡築於宣德三年嘉靖十三年增築之隆慶四年始甃以甃周四里有奇高三丈五尺設操守官一員所領見在官軍二百五十三員名馬六十三匹於大小白陽之間分邊三里二分邊墩五座火路墩一十二座內沙嘴子極衝邊外西古道一帶青把都部落駐牧本堡四面距山頗遠而適當孔道公差夷使往來殆無虛日堡軍一切遞送供應疲於奔命類多逃走操守官卑支持尚艱奚責防守議者謂宜復原額官軍改操守為守備以資彈壓則軍伍克而體統亦肅矣

北至小白陽堡邊十四里

東至龍門城二十里

西至趙川堡三十里

南至保安新城十八里



本堡建於宣德三年嘉靖四十三年增修尚土築也萬曆十三年始包以甃周二里一百二十一步高三丈五尺設防守官一員所領見在旗軍六十名馬七十一匹止管火路墩二十三座堡雖隣邊而無預於邊與趙川堡同係孔道而接送獨省故防守官惟督軍人司關門啓閉慎盤詰已耳關門在堡東五里俯關下瞰堡城若在平原然溝河錯遶近實難逾正統間址路不守金鎮倚為東邊今則亦號腹裏款後稍稍弛禁以便行旅然小白陽一帶烽火由之以達南川凡村屯收斂耕牧胥賴之又不可以腹裏而遂懈弛防守也

北至邊牆一十一里

東至三岔口堡十五里

西至龍門關二十里

南至長安嶺六十六里




本城故龍門縣宣德六年建城置衛繼失於正統旋復於景泰嘉靖中大虜殘毀也堡間里蕭然隆慶二年再加修築內土外甃周四里五十六步高三丈五尺內駐劄管糧通判原設守備一員分邊二十九里三分邊墩二十七座大路墩五十一座所領見在官軍一千一百五十一員名馬騾一百二十六匹頭本城依山為險如制虜石門等墩極衝邊外太子城大小莊窩各有夷巢環聚若寇從此下直抵本城則東南掠鵬鶚西南闚龍門右犯小白陽南及長安嶺闔鎮騷動矣故談形勢者獨指本城為門庭之衛所當倍加防禦戒慎焉

北至金家莊堡十三里

東至赤城堡四十五里

西至龍門城一十五里

南至鵲鴉堡十三里



本堡西接龍門南通鵬鸞東北抵赤城鎮寧為行旅三岐之路故曰三岔口舊本民堡嘉靖二十八年懲懷來之變議築之萬曆十七年始砌以甃周一里二百五十四步高三丈五尺設防守官一員所領見在旗軍一百三十三名馬騾三十五匹頭管火路墩一十三座舊隸下址路今改屬葛峪叅將管轄而為中址之界限焉先年於此築內垣堡城斜倚之虜脫入犯分騎登垣睥以窺堡中不惟我之虛實畢露而建瓴之勢且以資敵矣或謂宜別加敵樓中斷其垣以免憑凌之患似為得策也

北至鎮寧堡十三里


東至赤城堡六十里

西至邊牆一十五里

南至岔口堡十三里



青紀都都落



本堡在龍門衛山後東西相距七十餘里邊離衛城既遠捍禦應援難及不有本堡以扼其衝則虜騎長驅甚易也堡創自成化二年正德十三年增築萬曆四年復甃包之周二里有奇高三丈五尺防守官一員所領見在官軍四百五十員名馬騾五十六匹頭本堡坐落高阜南北兩山緊夾千騎難容最據險要分邊一十三里六分邊墩一十四座火路墩三十九座內鎮邊墩極衝邊外青把都部落駐牧堡北十里外新柵子距大邊靜盤道進遠等墩僅十五里虜由此入不惟直犯本堡即三岔龍門胥震動矣是又通賊衝路戒備所當嚴慎焉

宣府懷隆道
轄東路總圖


東至四海冶火焰山九十里

北至靖胡



南至南灰山

堡十三里



嶺口五十里

西至鷄鳴驛堡一百十里

本路宣鎮之左臂也所轄凡守備六操守三防守七坐營一分邊自四海冶至靖胡堡沿長一百八里而海冶適當

山陵後背勢極孤懸其周四溝黑漢嶺劉斌堡皆逼隣虜穴隔唯一墻靖胡堡東河口風通大舉尤爲要害邊墩一百五十二座火路墩一百六十八座東北即安朝二酋駐牧之處而寶山寺黑牛山大安山天屹力等處層崖疊嶂深林叢棘虜尤易於潛逞總屬見在官軍八千八百五十六員名馬騾二千三百八十八匹頭內叅將援兵惟一千三百三十九員名馬亦止一千二百

八十四匹尚不足以支一路之應援雖有各城堡防守官兵七千五百一十七員名馬騾一千一百四匹頭僅可備防守供傳報已耳遊兵官軍二千二百九員名馬騾六百四十一匹頭今亦漸覺廢弛無事烏合冒糧有事獸駭逃匿有衆若此將安用之故往時軍門總三鎮之兵撫鎮傾全鎮之力以計安東路蓋為擁護

陵寢非過計也然愚則猶有說焉南山者

陵寢之門戶也宜大各路者

陵寢之外戶也若外戶不守縱虜深入然後併力一路計亦舛矣且虜志惟在搶掠若軍門撫鎮俱

移東路則宣大之間虜必縱橫魚肉滿載即歸
又何暇垂涎於南山哉竊為

國家久遠慮似當大城京後設大將重兵以守之
宣大督撫總兵止在各鎮駐劄遇警隨便調遣
防禦外戶之鎖鑰既嚴則虜必不敢越境而南
向且畏京後之兵吭其前宣大之師攝其後虜
即犬羊無知亦必不肯自蹈陷穽也此不惟

陵寢可恃無恐

神京亦永固磐石矣此實萬全一策非止區區為宣
雲已也

北至黑峪口五十里

東至周四溝堡三十里

西至延慶州四十里

南至灰嶺口一十一里

白塔兒

神仙院

綏陽

永寧城

清龍潭



本城駐劄東路叅將故永寧衛肇於永樂十五年而延慶左衛則宣德元年自居庸關徙者五年復加甃甃併移永寧縣於此城高三丈五尺周六里一十三步嘉靖三十二年重砌者也除援兵外見在官軍一千九十七員名馬騾一百九十六匹頭止管火路墩四十座以坐營官領之本城後當北山之衝前為南山之障雖近腹裏而其所翰蔽則甚重焉北山黑峪口夙通大舉虜犯永延率由是路邇來屬夷於口西白草窰等處駐牧若善撫處可藉藩蔽惟是先年設有守備後裁革屬坐營倘有警坐營隨叅將外援城誰與守似應議復云

北至四海口三里

東至火焰山三十里

西至黑漢山領堡十五里

南至海字口八里



本堡勝國時入上都通衢也土築於天順八年石砌於弘治十二年嘉靖四十四年始包以甃歲久傾圯萬曆三十一年復議重脩周三里高三丈五尺設守備一員守禦千戶一所遇警東路遊擊移駐焉本堡極本鎮之東環境皆邊先時阿卜戶等以驀越隣封而闖入此地則變出不虞可逆睹已守備止領見在官軍八百七十五員名馬五十匹分邊四十三里邊墩五十四座火路墩十座內四海大勝嶺皆極衝新興將軍嶺長生等口次之邊外芍藥灣寶山寺即安免等部落駐牧更有朵顏屬夷雜處募軍實伍築塞脩防蓋本堡之急務云

北至外山墩二十五里

孤山




東至黑漢山領堡十五里

黃土嶺
極西

外山墩
極西

極西

西至永寧城三十里



周四溝堡



南至鶯窩梁二十里

本堡乃永寧應援四海治一線之路西北一面皆近大邊東南一面則

山陵之後也堡創於嘉靖十九年輒包於隆慶三年高三丈五尺周二里九十四步設操守官一員所領見在官軍四百九十六員名馬驄二十五匹頭分邊二十三里零邊墩三十七座火路墩一十五座口凡七處而黃土嶺西石河鎮口外山等口為極衝邊外亂泉寺孤山鹹場虎喇嶺等處皆朝兇部落駐牧倘虜犯黃土嶺等口當設兵三岔馬道廟兒梁以拒之顧堡乏井泉宜亟令相地鑿引以備防禦可也

北至關北口五里

東至四海治堡十五里

西至周四溝堡十五里

南至鶯窩梁三十五里



本堡創於嘉靖三十一年，輒包於隆慶四年。周二里一十丈六尺，高三丈五尺。設防守官一員，所領見在官軍二百七十四員，名馬騾一十三匹。頭分邊九里邊墩一十七座，火路墩四座。本堡同係應援四海冶之路，北面臨邊，南輸


陵寢，特所當驚。窩梁之後山峻多林，虜騎未易馳也。若邊外白塔兒、牛心山等處，皆安免等部落駐牧。堡雖去虜營稍遠，而其來飄忽無難至者。且關北倉房二口，皆係通虜衝要。若虜犯二口，俱當於堡東寧川墩拒堵之，偵探戒備，不可不嚴也。

黑牛山

北至嵯頭墩五里

東至東河口五里

南至黑峪口十一里



本堡故夷巢嘉靖二十九年展入內地築土堡守之隆慶元年甄包周二里五十三步高三丈二尺初設操守尋改守備所領見在官軍七百一十九員名馬騾六十九匹頭本堡北面阻山東西南三面臨河足稱險要出而邀擊驚馳未便也分邊二十里有奇邊墩三十一座火路墩八座內東河口無邊牆可據極為衝要馬路南樓東水峪墩衝次之邊外夷人即安兎等部落在黑牛山亂泉寺許家衝等處駐牧剝膚可虞近修砌水壩亦是隄防然遠偵探以察虜情革樵採以杜釁端尤當所夕戒慎云

北至大邊七里

安兒子部落

安兒子部落



西至永寧城一十二里

東至周四溝堡二十八里

鮑哈火衝

火衝

南至姚官嶺五里

本堡東至周四溝西至永寧北離邊僅七里南面京陵重地實南山灰嶺等口之吭也萬曆二十二年土築周一里一百三十二步高連甃砌女牆三丈五尺內設防守官一員所領見在官軍二百九十二員名分邊一十五里有奇邊墩一十三座火路墩五座北有擦獨鮑峪二口皆次衝外夷亦係安免部落駐牧於天克力離邊約一百五十餘里如虜犯擦鮑二口則防胡墩大丫口皆設伏鍵鑰處也舊屬永寧坐營今始分隸緣堡係新設盔甲器械等項雖次第造補未備防禦當早為之計焉

北至清峯寨六里

東至永寧城四十里

西至懷來城五十里

南至岔道城十二里

應慶寺

延慶州

三元宮

本城故金元舊治昔名龍慶復為隆慶隆慶改元始更延慶云州復於永樂十一年城新於景泰二年故甃建高僅三丈二尺方四里一百八十步後民居漸稠虜數窺伺萬曆七年議展脩之今通高三丈五尺周五里餘城坐平坦址面阻山南面臨河頗稱形勝原設知州及永寧衛後所先年設有守備後裁革以千總攝之萬曆十三年復改守備所領見在官軍二百四十六員名馬二十七匹腹裏無邊止管火路墩三座所存永寧衛舊屯堡一十六處內惟二處堪守餘皆傾圯城亦低薄不堪近議脩葺加增蓋保障之至計云

北至馬鞍墩五十里

東至榆林堡三十里

西至土木堡三十里

懷來城

佛峪口
溫泉

南至大山口二十里




本城即古媯川蓋縣治也洪武初年依元舊城修築永樂二十年展址面半倚高岡正統景泰繼包甃石嘉靖四十五年加高連女牆通高三丈五尺周七里西關故土築萬曆十四年亦甃包馬共周八里三百三十七步二尺本城適當東路之中與昌鎮橫嶺相表裏捍外衛內胥賴之內駐劄懷隆道及遊擊管糧通判原設有守備懷來延慶右二衛除遊兵外守備所領見在官軍一千三百二十三員名馬二百二十七匹止管火路墩三十八座先年軍門兩防俱移節於此款後惟該道與遊擊等官共維之顧路當四衝頗煩應酬云

北至草廟十二里

東至懷來城三十里

西至沙城堡二十里



仙院



南至乾莊五里

本堡肇於永樂之初正統己巳殘毀之嘉靖四十五年復築新堡隆慶三年始包以甃周二里有奇高三丈五尺適當長安嶺紅站口之衝虜逾址路直射本堡此必爭之要地也設操守官一員所領見在官軍一百一十四員名馬一十二匹止管火路墩二座站軍三百餘名舊屬昌鎮近雖改隸本鎮尚未脫籍彼中仍同客寄焉堡之井泉多方疏鑿僅可克用聞正統己巳

駕至土木日尚未晡去懷來僅二十里奸璫輜重在後留待之遂駐土木致有蒙塵之禍人人至今追恨之此可為永鑒云

北至八齒溝三里

東至土木堡二十里

西至良田屯十里



南至宋家營五里

本堡土築於景泰二年輒斃於隆慶三年四面平坦往來行旅多假息其間以是設操守一員所領見在官軍一百二十三員名馬騾止六匹頭火路墩二座隆慶五年增修東西兩關共周五里堡制既寬居民益聚而軍馬如故僅可收斂保障已耳

北至東兒溝十一里

東至沙城堡二十里

西至東八里堡一里

崇化寺



南至洋河八里

本堡即保安州民居屯所也洪武二十五年土築隆慶四年加修甃砌女牆高連三丈五尺周三百九十一丈距州城五十餘里居民不便收歛嘉靖四十五年議設防守官一員撥保安衛軍七十六名馬四匹以守之由是堡民始樂有保障焉

北至八寶山八里

東至良田屯一里

西至保安新城八里



南至洋河八里


本堡土築於洪武二十五年高連甃砌女牆三丈五尺周四百七十七尺南至洋河北至八寶東逼良田西接新城嘉靖四十五年始設防守官一員撥衛軍七十四名馬六匹守之以為新城犄角而居民之收歛稱便焉

北至牛心山墩五十里


東至東八里堡八里

西至西八里堡八里

清涼寺



南至豐勝堡十八里



本城景泰二年土築與保安衛美峪所同改移者
天順八年甄包懲已巳之變也嘉靖四十三年復
加高五尺通高三丈五尺周七里有奇設守備官
一員所領見在官軍八百一十九員名馬騾二百
一匹頭止管火路墩三十座環境屯堡一百二十
七處地之肥饒俗之殷盛與舊城比隆焉本城南
捍礮山北抵龍門設衛置守豈不稱善但適當孔
道東西迎送困憊極矣本城西有鷄鳴驛東有土
木驛相去止一站耳奈何復與之共勞役乎此所
當調停而嚴為禁止者也

北至黑風山八里

東至保安新城八里

西至鷄鳴山十里



南至洋河八里

本堡與東八里同年土築者彼此並峙高連甃砌
女牆三丈五尺周三百三十九丈嘉靖四十五年
亦設防守官一員撥衛軍八十五名馬八匹守之
既便收斂更資犄角居民恃以無恐焉

北至大尖山一十一里

東至三座崖墩三十里

西至井兒窰五里

麻峪口堡

南至葫蘆套一十一里




本堡設在腹裏而亦以口名者以當北路龍門衛之南口也虜若犯龍門許羊二衝必由此堡故備之宜預焉堡創於洪武二十五年加修於萬曆七年周一里一百一十九步高三丈五尺設防守官一員止管火路墩一十一座所領見在旗軍一百四十三名馬六匹本堡雖設在腹裏傍有紅站口等處皆可通虜歷稽一川之中徃歲殘破之堡甚衆亦可寒心堡土堅可久依險足恃若更甃以甃石庶保障永賴焉


北至鷄鳴驛十二里

東至保安新城四十里

西至桃花堡九十里



南至謝家胡一百五十里



保安舊有城永樂十三年重繕故稱舊城以別衛城之有新城也嘉靖四十五年始甃以甌周四里一十三步高三丈五尺守備與知州共守之守備所領見在官軍五百五十一員名馬騾二百五十二匹頭火路墩三十六座本城當東路西南似屬腹裏若虜入中路踰鎮城而南不一舍可至城下戒備亦不可不嚴焉堡內民鮮恒產類多貧乏軍亦時有逃亡更當厚加撫恤云

北至後堡十一里

東至合河口二十五里

西至富王莊二十里




南至馬水口十八里

本堡古縣治也地勢平坦城高二丈五尺周幾三里先年止倚保安新城為址障至萬曆七年始設防守撥鐵洞口軍二百一十名馬二匹戍守之所管火路墩一十五座本堡介馬水口保安衛間道里寥闊又多賊盜故專官設防平時禁緝賊盜有警收斂居民甚便計也顧堡猶土築多巖宜及時繕脩之

宣府懷隆道
轄尚山總圖

東至火焰山一百二十五里

北至永寧




南至德勝

城十二里

西至合河口九十七里

口七十五里



南山內拱

京陵爲藩籬重地舊無營伍係東路叅將守護自
嘉靖二十九年虜從潮河川內犯由鎮邊城潰
垣而出至三十五年始議修聯墩抽懷永蔚延
餘丁守之四十五年設叅將一員駐劄柳溝募
兵增守嗣是築墉建樓殆無虛歲東起火焰山
西抵合河口蜿蜒一帶勢若龍盤故爲營城二
十五爲寨九爲樓百有六十爲臺又二百六十
六爲堡一腹背相依首尾聯絡叅將所轄岔道
一守備柳溝榆林二操守各營寨四千總凡爲
把總二十坐營官旗各備馬兼以東路之隣保

遊兵之聲援四海治之協理呼吸嚮應莫敢後
至其設備戒嚴可謂至周且密顧額軍七千今
所存惟六千二百五名馬騾不過四百四十一
匹頭內援兵旗軍三千三百一十八名馬二百
八匹所賴一牆之外別無分土得專力乘障以
護


陵寢馬但沿邊如海字口柳溝口等處陸可通車
輦砲兒韓家口等處山可聯騎防禦之責重於舉
鼎誰敢以腹裏慢視之至火焰山之旁所不接
薊鎮邊者桃樹庵百丈牆耳無事協力修守臨
事同心防禦甚勿視爲秦越彼此推諉致誤

國家大計焉

北至永寧城十二里

東至永字十二號營城八十六步

西至永字十號營城七十五步



柳溝

南至勝德口七十五里

本城創自隆慶元年周三百一十八丈一尺高連女牆三丈五尺萬曆二十四年復增土闕周一百八十五丈八尺高連梁口二丈五尺本路叅將駐劄於此設操守一員除援兵外所領見在官軍二百六十一員名馬僅四匹本城乃本邊適中之地西南皆沙河東北則平坦雖稱衝口而設官築關綢繆甚密顧民皆四外湊集隣近屯地咸係居庸關延慶衛所轄山以裏芻牧甚饒草可無蓄而糧料不可不備倘虜南犯則閭家莊等處可設兵拒堵之然必兵食兩足庶可保障無恐焉

北至延慶州十二里

東至連字三千九號營城三里

西至榆林驛堡二十五里

南至八達嶺三里




岔道故無城本延慶州一聚落耳嘉靖三十年以
警報頻仍議者不得已為護關縮守之計始築而
城之隨甃以甌設守備一員屬南山叅將以其與
南山共聯一邊也薊昌有事軍門恒移駐於此城
周二里一百一十丈八尺高三丈本城地雖平坦
逼臨山險樓墉俱甌石甃砌亦足為居庸外藩但
地多沙石關牆每為山水衝壞築堤改流勢不容
已且路當孔道應付甚繁守備所領官軍三百三
十九員名馬騾二十三匹頭猶往往調及柳溝夫
柳溝軍馬原備戰守何堪應付議者仍欲添馬騾
以省柳溝軍馬疲累之苦亦一策云

北至延慶州三十三里

東至岔道城二十五里

西至懷來城二十五里



南至南山羊兒嶺三里

本堡建自

國初先設於羊兒峪址正統己巳而後改移今址隆慶三年甄覽周二里高二丈五尺設操守官一員所領見在官軍七十四員名馬一十七匹本堡坐落介岔道懷來間而實聯延慶永寧之境踰此即昌鎮白羊口藉使力守此城虜欲南入寧不顧後此亦扼險處也舊屬昌鎮今併改隸本鎮乃把總防禦不屬本路統轄有警昌鎮既不能越岔道為之援本鎮或以非分土不之急誰與守者似應照永寧例改本路節制為便

欽差總督宣大山西等處地方軍務兼理糧餉太子少
保兵部尚書兼都察院右副都御史楊時寧纂集
欽差巡撫宣府等處地方贊理軍務都察院右僉都御史彭國光同纂
分巡口北道兵備山西提刑按察司按察使張國璽
山西等處承宣布政使司分守口北道右叅政郭士吉
整飭懷隆等處兵備山東提刑按察司副使馬維騶同校正